

Aruba a haya un joya di buki dedica na Bernadina Growell-Kock



ORANJESTAD (AAN): Diaranson anochi, Fundacion Bernadina Growell Kock a lansa e buki conmemorativo dedica na Mama di Cultura, Bernadina Growell Kock, den un sala basta yen na Cas di Cultura. Esaki a bay combina cu discurso, canto, declamacion di poesia y sketchnan humoristico.

E buki a ser compila door di fundacion den cooperacion cu rumannan di

Bernadina Growell-Kock d.f.m. Den e buki ta describi ken Bernadina tabata, su cancionnan, carera musical y logronan. Ademas por haya un bista di kenan tabata rond di Mama di Cultura. E prome reaccion e anochi ta cu Aruba a haya un joya di buki, cu sigur merece di ta den tur cas. Un pabien grandi na e Fundacion pa yuda mantene cultura di Aruba na halto.

